

SIARAN MEDIA

UNTUK SIARAN SEGERA

7 JUN 2018

LALUAN SUSUR BAHARU PERSIMPANGAN BERTINGKAT SEREMBAN KINI DIBUKA

Media Digital:

Seremban, Khamis:- Laluan Susur Baharu Persimpangan Bertingkat Seremban untuk ke arah utara mula dibuka kepada orang ramai mulai jam 3:30 petang, hari ini. Laluan susur baharu ini bakal memberi manfaat kepada kira-kira 18,000 penduduk sekitar dan pengguna harian di Plaza Tol Seremban.

Berita Sepenuhnya:

Seremban, Khamis:- Laluan susur yang baharu untuk ke arah utara sepanjang 1.3 kilometer di Persimpangan Bertingkat Seremban kini dibuka kepada pengguna lebuh raya PLUS bermula jam 3:30 petang, hari ini.

Pembukaan laluan susur baharu bernilai RM12 juta tersebut dijangka dapat memberi sedikit kelegaan buat kira-kira 18,000 pengguna harian di Plaza Tol Seremban, terutamanya kenderaan yang datang dari arah Seremban 2 dan Bukit Kepayang.

Dengan pembukaan laluan susur terbabit, kenderaan dari arah Seremban 2 dan Bukit Kepayang tidak perlu lagi melintas Jalan Sungai Ujong untuk ke Plaza Tol Seremban (Arah Utara) yang sedia ada. Sebaliknya, mereka boleh terus menggunakan laluan susur baharu ini untuk ke arah Nilai dan Kuala Lumpur. Sekaligus, ia dijangka mengurangkan sedikit kesesakan lalulintas di Jalan Sungai Ujong dan di Persimpangan Bertingkat Seremban secara amnya.

Pembukaan rasmi laluan susur baru ini disempurnakan oleh Menteri Besar Negeri Sembilan, Tuan Haji Aminuddin Harun. Turut hadir dalam majlis tersebut adalah Timbalan Ketua Setiausaha Kementerian Kerja Raya, Dato' Abdul Razak Jaafar, Ketua Pengarah Lembaga Lebuhraya Malaysia, Datuk Ir Ismail Md Salleh dan Pengarah Urusan PLUS, Datuk Azman Ismail.

Projek pembinaan jalan susur baru ini telah bermula pada Januari 2017 dan siap sepenuhnya pada 31 Mei baru-baru ini. Laluan susur baharu ini turut dilengkapi dengan sebuah plaza tol masuk berkapasiti 3 lorong termasuk lorong SmartTAG dan lorong Touch 'n Go serta laluan khas motosikal.

-tamat-